

19 Jun 2018

KENYATAAN MEDIA

oleh Dato' Ir. Jaseni Maidinsa,
Ketua Pegawai Eksekutif,
PBA Holdings Bhd (PBAHB) dan
Perbadanan Bekalan Air Pulau Pinang Sdn Bhd (PBAPP).

“SELAMATKAN ULU MUDA” TEMA UNTUK SAMBUTAN HARI AIR SEDUNIA 2018 DI PULAU PINANG PADA 23/6/2018.

PULAU PINANG, Selasa (19/6/2018): Sebanyak 163,103 hektar hutan hujan di Kedah perlu diwartakan dan dipelihara sebagai “Kawasan Tadahan Air Wilayah Utara” untuk mengekalkan bekalan air yang mencukupi di Perlis, Kedah dan Pulau Pinang.

Kira-kira 4.09 juta orang di 3 negeri utara bergantung kepada Ulu Muda sebagai kawasan tadahan air. Walau bagaimanapun, telah dilaporkan sebelum ini yang Kerajaan Negeri Kedah terdahulu telah melakukan pembalakan berlesen di Ulu Muda untuk memperolehi “premium hutan”.

Pembalakan menyebabkan penebangan hutan besar-besaran dan hakisan tanah; dan akhirnya akan menjejaskan Ulu Muda sebagai kawasan tadahan air.

Oleh itu, Pulau Pinang menggunakan tema “Selamatkan Ulu Muda” untuk sambutan Hari Air Sedunia 2018 di Pulau Pinang. Objektifnya adalah untuk menyaran agar dikenakan larangan sepenuhnya semua pembalakan di Ulu Muda.

Ketua Menteri Pulau Pinang YAB Tuan Chow Kon Yeow akan merasmikan acara Hari Air Sedunia 2018 pada masa, tarikh dan tempat berikut:

- Masa : 9.30 pagi
- Hari/Tarikh : Sabtu, 23/6/2018
- Tempat : Taman Bandaraya (*Youth Park*)



Memenuhi segala keperluan bekalan air anda
Meeting all your water supply needs

Orang ramai dijemput menghadiri acara ini yang akan menampilkan pertandingan lukisan kanak-kanak, permainan, aktiviti “Selamatkan Ulu Muda” dan ucapan oleh YAB Tuan Chow.

Bersempena dengan Hari Air Sedunia 2018, Loji Rawatan Air Terjun di Taman Botani Pulau Pinang juga akan dibuka kepada orang ramai dari 9.00 pagi hingga 4.30 petang pada 23/6/2018.

Terima kasih.

Dato' Ir. Jaseni Maidinsa,
Ketua Pegawai Eksekutif,
PBA Holdings Bhd (PBAHB) dan
Perbadanan Bekalan Air Pulau Pinang Sdn Bhd (PBAPP)

Dikeluarkan oleh : Puan Syarifah Nasywa bt Syed Feisal Barakbah
Unit Komunikasi Korporat
Tel : 04-200 6607
Email : syarifah@pba.com.my